

2


魯公文集

THE CHINESE-JAPANESE LIBRARY  
OF THE HARVARD-YENCHING INSTITUTE  
AT HARVARD UNIVERSITY

DEC 3 1955

二







魯公文集卷之三

二十五代孫胤祐重刊



碑一

天下放生池碑銘

皇唐七葉我乾元大聖光天文武孝感皇帝陛下以至  
聖之姿屬艱虞之運無少康一旅之衆當祿山強暴之  
初乾鞏勞謙勵精爲理推誠而萬方胥悅克已而天下  
歸仁恩信侷於四時英威達于八表功庸格天地孝感  
通神明故得回紇奚霫契丹大食盾蠻之屬扶服萬里  
決命而爭先朔方河東平盧河西隴右安西黔中嶺南



卷之三  
河南之師虜爛五年推鋒而効死摧元惡如拉朽舉兩  
京若拾遺慶緒遁逃已蒙赤族之戮忠明跼伏行就沸  
鼎之誅極已墜之皇綱據再安之宗社迎上皇於西蜀  
申子道於中京一日三朝大明天子之孝問安視膳不  
改家人之禮蒸蒸然翼翼然真帝皇之上儀誥誓所不  
及已歷選內禪生人以來振古及隋未有如我皇帝者  
也而猶嫗照萬類勤唉四生乃次乾元二年太歲己亥  
春二月己丑端命左驍衛右郎將史元琮中使張庭玉  
奉明詔布德音始于洋州之興道洎山南劍南黔中荆  
南嶺南江西浙西諸道汜于昇州之江寧秦淮太平橋

臨江帶郭上下五里各置放生池凡八十一所蓋所以  
宣皇明而廣茲愛也易不云乎信及豚魚書不云乎鳥  
獸魚鼈咸若古之聰明叡智神武而不殺者非陛下而  
誰昔殷湯克仁猶存一面之網漢武垂惠纔致銜珠之  
答雖流水救涸寶勝稱名蓋事止於當時尚介祉於終  
古豈若我今日動者植者水居陸居舉天下次爲池罄  
域中而蒙福乘陀羅尼加持之力竭煩惱海生死之津  
揆之前古曾何髣髴微臣職忝方面生丁盛美受恩寢  
深無以上報謹緣臯陶奚斯歌虞頌魯之義述天下放  
生池碑銘一章雖不足雍容明聖萬分之一亦臣之精



懇也敢刻金石著其詞曰

明明皇帝臨下有赫至德光天乾元啓蹟緯武戡亂經  
文御曆孝感神明義刑金石仁覆華夏恩加蠻貊道冠  
巍巍威深藐藐邁茲多難克廣丕績慶緒旣誅思明辟  
易人道助順天心惡逆撲滅之期匪朝伊夕乘此寶祚  
永康宗祏業盛君親功崇列辟文禪之際粲然明白迥  
映來今孤高往策去殺留惠好生立辟率土之濱臨江  
是宅遂其生性庇爾鱗鬣環海爲池固天布澤致茲忠  
厚罔弗怡懌動植依仁飛沉受獲流水長者徒稱往昔  
寶勝如來疇庸允格德力無競慈悲孔碩相時傳聞尚

賴弘益矧在遭遇其忘敷錫真卿勒銘敢告凡百臣真  
卿次乾元三年春三月戊辰撰

妙喜寺碑銘

州西南杼山之陽有妙喜寺者梁武帝之所置也大同  
七年夏五月帝御壽光閣會所司奏請置額帝次東方  
有妙喜佛國因以名之舊置在州西金斗山唐太宗文  
皇帝升極之六年春二月移於此山山高三百尺週迴  
一千二百步蓋昔夏杼南巡之所今山有夏王村山西  
北有夏駕山皆后杼所幸之地也晉吳興太守張玄之  
吳興疏云烏程有墟名東張地高爽山阜四周卽此



山也其山勝絕遊者忘歸前代亦名稽留山寺前二十步跨澗有黃蒲橋橋南五十步又有黃蒲亭竝宋鮑昭送盛侍郎及庾中郎賦詩之所其水自杼山西南五里黃蘗山出故號黃蒲俗亦名黃蘗澗卽梁光祿卿江淹賦詩之所寺東偏有招隱院其前堂西廡謂之溫閣從草堂東南屈曲有懸巖徑行百步至吳興太守何楷釣臺西北五十步至避它城按說文云它蛇也上古患它而相問得無它乎蓋徃古之人築城以避它也有處士竟陵子陸羽杼山記所載如此其臺殿廊廡建立年代竝具于記中大曆七年真卿蒙刺是邦時浙江西觀察

判官殿中侍御史袁君高巡部至州會於此上真卿遂立亭於東南陸處士以癸丑歲冬十月癸卯朔二十一日癸亥建因名之曰三癸亭西北於藜桂之間創桂棚左右數百步有芳林茂樹悉產丹青紫三桂而華葉異各樹桂之有支徑以袁君步焉因呼爲御史徑真卿自與校時卽考五代祖隋外史府君與法言所定切韻引說文蒼雅諸字書窮其訓解次以經史子集中兩字已上成句者廣而編之故曰韻海以其鏡照源本無所不見故曰鏡源天寶末真卿出守平原已與郡人渤海封紹高篋族弟今太子通事舍人渾等脩之裁成二百卷



屬安祿山作亂止其四分之一及刺撫州人左輔元等如壁等增而廣之成五百卷事物嬰擾未遑刊削大曆壬子歲真卿叨刺于湖公務之隙乃與金陵沙門法海前殿中侍御史李寧陸羽國子助教州人褚中評事湯果清河泉太祝柳察長城丞潘述縣尉裴循常熟主簿蕭存嘉興尉陸士偕後進楊遂初崔弘楊德元胡仲南陽湯涉顏祭肅介左興宗顏策次李復於州學及放生池日相討論至冬徙于茲山東偏來年春遂終其事前是顏渾正字殷佐明魏縣尉劉茂枯州錄事參軍廬錫江寧丞李寧壽州倉曹朱弁後進周愿顏暄沉殷李甫

亦嘗同偕未畢各收事去而起居即裴郁祕書郎蔣志評事呂渭魏理沉益劉全白沉仲昌攝御史陸向沈祖山周閔司議丘悅臨川令沉咸右衛兵曹張著兄墓第薦薦校書郎權器興平丞高柏尼後進房夔崔密崔萬竇叔蒙裴繼姪男超峴愚子頤顧往來登歷時杼山大德僧皎然工於文什惠達靈暉昧於禪誦相與言曰昔廬山東林謝容有遺民之會襄陽南峴羊公流潤甫之詞况乎茲山深邃羣士響集若無記述何以示將來乃左顧以求蒙傳記詞而藏事銘曰  
復后南巡山名是因梁王東揆寺榜攸詢欣勝天絕規



模鼎新避它城古垂釣臺埋棚以桂結浦由黃申二廩  
迢遰三突嶙峋徑列御史傳紆逸人紛吾著書羣度惠  
臻海韻源鏡自秋但春編同貫魚學比成麟幸託勝引  
丞倍僧珍庶斯見傳金石不泯

開府儀同三司行尚書右丞相上柱國贈太尉廣  
平文貞公宋公神道碑銘

於戲逆鱗劇上匡救之義深守死不回人臣之致極况  
乎文包風雅道濟生靈建一言而天下倚乎含九德而  
三光式序超無友而獨立者其惟廣平公乎公諱璟字  
邢州南和人其先出于殷王元子七代祖弁魏吏

部尚書襲烈人子祖欽道北齊黃門侍郎竝事跡崇高  
各見本傳高祖元節定州田曹曾祖弘俊大理丞祖務  
本皇櫟陽令父玄撫衛州司戶贈戶部尚書自田曹至  
于尚書皆實浮於名而位不克量事見許公蘇頲所撰  
神道碑公七歲能屬文一遍誦服鳥賦下尚書府君憂  
水漿絕口者五日八九歲時嘗夢大鳥銜書吐公口中  
公吞之遂來而直上倏忽驚寤猶若下在曾間自後藻  
思日新襟懷益爽年十六七時或讀易曠時不精公遲  
而覽之自亥及寅精義必究明年進士高第補上黨尉  
轉王屋主簿相國以蘓味道為侍御史出使精擇判官奏



公爲介公作長松篇以自興梅花賦以激時蘇深賞嘆  
之曰真王佐才也轉合宮尉長壽三年從調判入高等  
有司特聞天后親問所欲公以代爲唐臣不求榮達詭  
奏云家本山東願得魏之一吏遂手詔授錄事參軍拜  
舞趨出后異而召還又手詔拜監察御史裏行尋下齊  
國太夫人憂服闋築室反耕志圖不起俄而卽真遷殿  
中侍御史同列有博于臺中者將責名品而黜之博者  
惶恐自匿翌日公獨正辭引過天后悅而釋之遷天官  
員外郎鳳閣舍人御史中丞乃謂所親曰吾比欲優游  
自免不圖要近驟至於斯其敢廢所職乎乃悉心納忠

無所迴避時張易之昌宗兄弟席寵脅權天下側目公  
危冠入奏奮不顧身天后失色蒼黃欲起公叩頭流血  
誓以死爭拾遺李邕奏曰陛下坐則天下安起則天下  
危內史令勅公出公曰天顏咫尺親奉德音不勞宰臣  
擅宣王命詞氣慷慨左右震悚遂俱攝詣臺庭立切責  
二豎股栗氣慙不敢仰視自朝至於日昃勅使馳救之  
公不得已而罷又令詣公謝罪公拒之後有慘恤二豎  
來吊公辭曰貴近不宜與執法通同假滿朝士慰公二  
豎又欲序進公舉板迎揖之不得成禮而去神龍之興  
復也公實佐其謀及當時庸讓而不受曰清宮問罪事



出五王祀復中興功歸明主非曰逃賞誰敢貪天俄拜  
朝散大夫吏部侍郎兼諫議大夫遷黃門侍郎嘗遇梁  
王武三思於朝三思方欲言事公正色謂之曰當今復  
子明辟王宜收侯就第何得尚于朝政三思慙懼而退  
請急累月俄而兼攝尚書左丞玄宗將幸西蜀深虞北  
鄙乃兼檢校並州大都督府長史又改兼貝州刺史與  
數人同辭三思獨揖公住公顧謂之曰諸人已出不可  
獨留遂揖之而去屬身穀不登國租罷入三思食邑公  
悉蠲之既屢挫其鋒亦處之自若俄而真拜轉杭州又  
復遷相州尋入為洛州長史唐隆初拜吏部尚書同中

書門下三品

唐隆初即景雲元年也是年六月甲辰改元唐隆七月己巳改元景雲環之拜命在

丁巳未改景雲之前故曰唐隆初宰相表統言之故曰景雲

粵五日兼右庶子尋加

銀青光祿大夫玄宗之在儲闈鎮國太平長公主潛謀

廢立嘗於光範門內坐步檐中諷宰臣以此旨諸相失

色莫敢先言公盛氣詰之曰東宮有大功宗廟社稷主

也安得異議遂奏婦人于政恐生禍階請不令朝謁俄

而男又縱橫公奏之繇是貶楚州刺史主亦竟次凶終

無何復拜銀青歷魏亮冀三州兼河北按察使尋遷幽

州都督兼御史大夫復為魏州人為國子祭酒東都留

守開元二年尋拜御史大夫兼京兆尹貶睦州刺史轉



廣州都督克按察經略討擊使又兼御史大夫特許便  
宜從事前是首領桀驁多據洞不賓公之下車無敢不  
斂彼之風俗蔬趨苟簡茅茨竹槐比屋鱗次火災歲起  
煨燼無餘公教之度材變以陶瓦千甍齊翼萬堵皆興  
于今賴焉燕國公張說者爲碑頌無何使中官楊思勗  
召公公拜恩而就馬便行在路竟不交一言思勗以將  
軍貴幸泣訴于帝帝嗟嘆久之拜刑部尚書四年遷吏  
部兼黃門監脩國史五年改號侍中明年幸洛陽至三  
峯馳道險隘行不得前河南尹李朝隱知頓使中丞王  
怡竝坐當降黜公奏曰必若致罪二臣將來必受其弊

遂命公捨之曰陛下責之以臣免之是過歸於上恩由  
於下臣請便且待罪然後傳其復職上嘉而從之玄宗  
嘗命公名諸皇子及公主邑號旣而又令各定一美名  
公奏稱七子均養鴉鳩之德錫以名號不宜有殊若母  
寵子愛恐非正家之道王化所不宜玄宗悅而從之八  
年拜開府儀同三司進爵廣平郡開國公策勳上柱國  
狂豎權梁山構逆長安有司深探其獄勅公按覆如京  
兆司錄李如璧等百餘家咨以借宅假器悉當連坐公  
以婚姻假借天下大同至于京城其例尤衆知情卽是  
同反無罪不合論辜尅渠之外一切原免天下飲服焉



中書令河東張公傑出將明之材獨運廟堂之上鏡機  
朗澈見事風生求公規模悉開堂案每至危言謹議執  
正守中未嘗不廢卷失聲汙流浹背其爲通賢所服也  
如此十三年駕幸東都以爲西京留守公極言得失無  
有所隱玄宗感悅制曰所奏之言置之坐右出入觀省  
以誠終身因賜綵物二百疋明年又兼吏部十七年拜  
尚書右丞相雅善戲謔不常矜莊與故戶部尚書王叟  
爲莫逆之友晚而彌篤凡所談諧人輒疏取端五日蒙  
賜鐘乳命醫歸鍊或以爲上藥異殊不宜委之公曰推  
誠求信猶懼不應猜以待人信其可得聞者慙退二十

一年抗疏告老至于再三手詔優許遂特給金祿賜絹  
五百疋還東京公以爲大臣歸休不宜關通人事遂杜  
絕賓客其年駕幸洛陽公迎拜道左玄宗親駐龍蹕使  
榮王琬勞問者數四自後中使往來賞賚不絕方崇乞  
言之典次極師臣之敬二十五年仲冬月十九日寢疾  
薨于東都明教里第享年七十五天下失聲玄宗震悼  
追贈太尉謚曰文貞公賻物米粟常數有加喪葬官供  
仍詔河南少尹崔釋之亮監護使夫人齊國夫人博陵  
崔氏滄州長史藝之女淑慎嚴整高明柔克訓諸子而  
茲且有威佐丞相而德無違者門內之理一以見咨躡



公而歿允終偕老嗚呼公有七子復同州司功先公而  
卒昇尚書郎太僕少卿尚漢東太守渾職方郎中諫議  
大夫御史中丞東京畿採訪使太子左諭德恕都官郎  
中延原少尹華判入高等登封尉尉氏令衡右散騎常  
侍兼御史中丞河南節度行軍司馬或肅或文或哲或  
義克篤前烈以休令聞以戊寅歲五月二十九日虔奉  
遺約歸葬公于沙河縣太尉鄉丞相原之先塋夫人合  
而祔焉禮也惟公間氣降神應期傑出生知禮度天縱  
才明玉立殿天子之邦介然秉大臣之節震電憑怒讜  
言而不右厥躬昂鑊鑊沸前臨事而義敢于色蠢蟲迪檢押

難常情之所易志深直諫易古人之所難以其身而富  
貴不離行其道而死生勿替此夫含一之德格于皇天  
不二之心敢于造次則何以異是乎允所謂振古之元  
龜皇王之威寶者矣且夫公之德烈克塞寰宇公之謀  
猷著明日月大曆五年冬十二月孫儼懼遺盛美不遠  
求蒙以真卿天祿校文明太僕之下列憲臺執簡承諭  
德之深知雖青史傳信實錄已編於方冊而豈碑勒銘  
表墓願備於論譔謹憑吏部員外郎盧僎所上行狀略  
陳萬一恨多闕遺其辭曰

天命玄鳥降而生高湯孫之緒微子分疆詞招正則尉



翼文皇吏部黃門紛綸耿光忠賢世出信史相望篤生  
丞相祚我有唐文明純嘏毅烈堅剛恒衛開氣星辰降  
芒嶷然山立鏗爾人玉鏘忠孝之盛人倫之綱垂髻能文  
夢鳥發祥通夕究易冲齡擅場勝冠結綬歷政洋洋乃  
尉合宮貳軺琅琅賦唾梅艷篇美松長蘇公嗟稱才少  
佑王滿歲從調試言高驤登聞黼宸驟列繡裳邁跡天  
官如珪如璋司言鳳閣綸綵煌煌乃作中丞威稜莫當  
志除兒狡廷劾二張天后愕眙百寮震惶公獨凜然出  
身激昂義敢言色精貫穹蒼星室中興嘉謀克彰功成  
生讓事軼屠羊貳職選曹諫議是匡載清流品屢奏封

章乃侍璽闈時維夕郎悉心糾正庶績咸康三思睢盱  
帝寵于常責之就第慙懼靡亢左曹攝轄大鹵于襄兼  
刺貝竝朋辭鴈行三思揖語公獨循墻處之不忤轉旃  
于抗旣選鄴城遂尹洛陽乃作家宰計謨廟堂俄兼官  
相丞綰銀黃玄宗登儲鎮國是遑潛謀廢立謠詠相翔  
厥男撓政累奏愆殃聿臨楚邦若存察冀方總督幽薊翻  
飛國庠亞相烈烈尹京趨趨旋臨建德歛位南荒俚師  
咸翦茅槐是攘張公頌德雋永耳棠所忠來召拜命卽  
裝略無文言帝用式臧載司刑吏八座抑揚兼監黃樞  
鈞軸是將匪躬蹇蹇終始流流乃拜儀同允釐保鄣河



東閩故汙洽流彘狂豎犯關危謀旣戕命公覆獄咸脫  
死亡乃陟右揆讜論泱泱每謔王君豈常矜莊懸車告  
老庶保康強方崇饋醑孤映縑紉天不救心遺萎哲壤梁  
一人震悼九有淒涼市旣罷賈春仍絕糧乃贈太尉飾  
終禮滂返葬沙河羽儀央央闔朝傾祖河尹護喪生榮  
死哀行路感傷令人孺慕攀泣嗶嗶高墳雀窟鉅鹿劇  
旁森梢穿樹繚繞連岡吁嗟廣平宅此不場孝孫翼翼  
論譔靡忘豐碑堅碣萬古訾相

開府儀同三司太尉兼侍中河南副元帥都知河  
南淮南淮西荆南山南東五道節度行營事東都

留主上柱國贈太保臨淮武穆王李公神道碑銘  
昔宗周之中興也時則有若方叔召虎總師于肇敏之  
業南威蠻荆東截淮浦以左右宣王詩人歌之列在風  
雅我皇唐之反正也時則有若臨淮汾陽秉文武忠義  
之資廓清河朔保乂王室翼戴三聖天下之人謂之李  
郭異代同德今古一時公諱光弼京兆萬年人也曾祖  
皇左威衛大將軍幽州經略軍副使府君諱令節祖鴻  
臚卿兼檀州刺史府君諱重英父雲麾將軍左翊左羽  
林二軍大將軍朔方節度副使薊郡開國公贈幽州都  
督司空諱楷洛皆以英果沉勇累葉將邊儼威稜於幽



碣公卽薊公之第四子也體渾元之正性秉弘毅之高  
躅天予純假生知禮度謨謀炳邃默識冲深傑出經武  
之才鬱爲興王之佐故能東征北伐厭難康屯挺草昧  
不世之功允蒼生具瞻之望社稷威寶公之謂歟初天  
后萬歲中大將軍燕國公武楷固爲國大將威震北陲  
右女曰今韓國太夫人才淑冠族嘗監之曰爾後必生  
公侯之子因擇薊公配焉後果生公公年六歲嘗撫鹿  
而遊薊公視而誨之曰兒勿更爾公振手而起遂絕不  
爲童戲未冠以將門子工於騎射能讀左氏春秋兼該  
太史公班固之學開元中起家左衛左郎將歷豐復二

都督府長史尋遷別駕加朝散大夫丁父憂以毀聞終  
喪不入妻室太夫人高明整肅有茲有威公下色怡聲  
承順而每竭其力雖已官達小不如意猶加誨讓責之  
故能濟其勲業天寶二年拜寧朔郡太守四載加方清  
道率兼安北都護仍充朔方行軍都虞侯五載充王忠  
嗣河西節度兵馬使加遊擊將軍守右翎軍賜紫金魚  
袋仍充赤水軍使八月襲封薊郡開國公八載遷右金  
吾衛將軍充節度副使以破吐蕃及招討吐谷渾加雲  
麾將軍左武衛大將軍十一載拜單于副都護十三載  
爲安思順朔方節度兵馬使思順慕公信義請爲婚姻



公辭不獲免遂託疾罷官西平王哥舒翰聞而趨之奏  
歸京師遂守道屏居杜絕人事十四年冬十一月安祿  
山反范陽天下驛騷朝廷旰食聿求虓獮之將爰統鷹  
揚之師明年春正月起公爲銀青光祿大夫鴻臚卿兼  
雲中郡太守攝御史中丞持節克河東節度度支營田  
副大使知節度事仍克大同軍使二月拜攝御史大夫  
魏郡太守克河北道採訪使俄除范陽郡大都督府長  
史克范陽節度使初公次朔方馬步八千人出土門其  
日旣望收常山郡前是太守顏果卿裒長史袁履謙殺  
祿山土門使季欽湊擒其心腹高邈何千年屬太原尹

王承業不出救兵果卿履謙爲史思明所陷戰士死者  
貽藉於漚沱之上公親以衣袂拂去其上沙塵因慟哭  
以祭之分遣恤其家屬城中莫不感激一心史思明正  
圍饒陽馳來拒戰公屢摧陷之詔拜公兼御史大夫得  
今尚書令汾陽王郭公子儀悉朔方之衆與公合勢南  
收趙郡又敗之於沙河夏六月戰于嘉山大敗之斬獲  
萬計思明露髮跣足奔于博陵窮蹙無計歸節於祿山  
祿山大恐逆徒幾潰屬潼關不守肅宗理兵于靈武盡  
追朔方之師加公大原尹公收麾下及景城河間之卒  
數千人至秋八月拜戶部尚書同中書門下平章事史



思明既有河北之地與蔡希德悉衆來攻累月不討而退公自賊逼城於東南角張帳次居止竟不省視妻子每過府門未嘗回顧是後決遣事務信宿方歸至德二年拜司徒冬十二月十五日肅宗既還京師策勳換司空兼兵部尚書封鄭國公食實封八百戶公身先進亦次懋功同制封拜乾元元年八月拜侍中其年冬十月與九節度圍安慶緒於相州明年春三月史思明至滏陽屢絕我糧道衆咸請公簡精銳攻擊之文鋒竟日思明奔北于百里之外公反旆而歸煙塵亘天諸將皆攻爲賊軍大至遂南渡黃河公至則無見矣廼歸于太原

是年復五月除范陽節度使尋代汾陽王爲朔方節度使秋八月克天下兵馬副元帥以數千騎東巡迫兵馬使張用濟會于汜水用濟獨來上謁公數其罪而斬之因追都知兵馬使御史大夫僕固懷恩懷恩中夜馳赴魚貫而前再宿遠至秋毫不敢犯公趣河而東及滑州聞史思明已過河遂迎強旅以至東京移牒留守及官吏等悉皆迴避公獨與麾下趣河陽橋城賊先鋒已下倒愁坂公至石橋命秉燭徐行一夜方達賊望之不敢近思明來至城下請見公於城上謂之曰我三代無葬地一身必死國家之患爾爲逆虜我爲王臣義不兩



全我若不死於汝手汝必死於我手將士聞之無不激  
勵相持凡八月思明暴露不敢入東京乾元二年冬十  
月中賊將周贄悉河北之衆萃于河陽城北思明以  
河南之衆頓于河陽南城之南南北夾攻表裏受敵公  
設奇分銳襲其虛而大破贄軍臨陣擒其大將徐瑋王  
殺獲略盡贄僅以身免收軍資器械不可勝數思明心  
悸氣索烟火不舉者三日官軍大振初公以為戰者危  
事勝負難必每臨陣嘗貯伏突於鞞中義不受辱至是  
登城西向拜舞因歔歔不自勝三軍見之無不淚下三  
年春正月遷太尉兼中書令其年改元上元冬十一月

攻拔懷州擒其僞節度安太清二年春二月統僕固懷  
恩自河陽趨河清與史思明合戰于却山屬風雨晦冥  
王師不利公收合餘卒屯于垣縣遂引過請眾懇讓太  
尉肅宗不能違之二月拜開府儀同三司中書令兼河  
南副元帥都知河南淮南淮西山南東荆南五道節度  
行營事出鎮臨淮時史朝義乘却山之捷圍逼申安等  
一十三州自領精騎圍李岑於宋州公之將吏皆危懼  
議南保揚州公謂之曰臨淮城池卑陋不堪鎮遏不如  
徑赴彭城俟其東寇躡而追之賊可擒也遂趨徐州因



召田神功宴慰與同寢宿以宋州之難告祖道郊外俾先飲以寵之分麾下隸於其將喬岫仍令兵馬便郝庭玉與岫犄角而擊之賊遂一戰而走便來告捷公已屈指俟報俄而吉語至焉今上登極寶應元年復五月進封臨淮郡王廣德元年秋七月加實封三百戶通前後凡二千戶賜鐵券名藏大廟仍圖畫於凌煙閣冬十一月上在陝州以公兼東都留守制書未下久待命於徐州將赴東都屬疾痢增劇公知不起便便賈表奉辭廣德二年秋七月五日己亥薨于除州之官舍初將吏等問以後事公曰吾久在京中不得就養今爲不孝子矣

夫復何言哉因取已封布絹各三千足錢三千貫粥鬲麥以分遺將士衆皆感痛不自勝及公云亡遂以其布爲公製服庚申哀問至上都上痛悼之輟朝三日太夫人一慟而絕終夕方蘇上便開府魚朝恩就宅敦喻京地尹第五琦監護喪事九月己未追贈太保十二月太常議行謚曰武穆夫人薛國夫人太原王氏裊長子太僕卿義忠拉先公而逝次日太府少卿太僕卿象殿中丞彙等皆保家克承何備聞詩禮無忝燕翼過庭之訓冬十一月二十七日庚申泣而咨于王母度窆公于富平縣先塋之東禮也於戲公以吉甫文武之姿兼樊仲將明



之德王國多難羣胡構紛藉朔方偏師之旅入井陘不  
測之地思明挫銳於恒定祿山絕望於江淮守太原而  
地道設竒保河陽而雲梯固冀破固贄於溫沅擒太清  
於覃懷走史朝義叛渙之衆於梁宋救僕固瑒已危之  
軍於瀛莫皆意出事外虜墜計中天下無敖復旒之患皆  
公之力也公兄遵宜遵行仕至將軍裒弟光琰竝不幸  
早世次曰光顏特進鴻臚卿皆有才略見稱時輩季曰  
光進太子太保兼御史大夫渭北節度使涼國公清識  
表微沉謀絕衆剛亦不吐柔而能立與公竝時仗鉞分  
閫凌霄翼聖既有戴天之功華原統帥獨聞禁暴之德

方當會同正至榮耀君親入侍黼帷峨貳貂乎泰階之  
上歸聯綵服頓雙節於高堂之下斯歡未劇遺恨何居  
昔斛律丞相與身竝州同務烈於北齊拔行臺與兄荆  
州亦宣力於西魏咸稱義烈各懋勳庸而風樹寂寥偏  
隅隘陋比之我族事則不侔真卿昔守平原因於危錫  
繫公蒞止獲保餘生東帶興居空相北平之禮操觚論  
撰敢墜中郎之辭銘曰

羯胡猖狂倣擾皇綱降生臨淮佐我興王維此臨淮萬  
夫之望爰初發迹罔或弗臧出入忠孝人倫激日叩其心  
鐵石其行圭璋天寶未造河朔惟懷天子命公經於營冀



魯公文集卷之三  
方沙河嘉山我伐用張思明歸節祿山震惶潼關勿帥  
醜虜其亡肅宗有命大鹵于襄應變如神允徒靡亢介  
珪入覲台坐用光俾公東征北國是皇長圍鄴下望人  
河陽擒斬渠魁靈擊龍驤淮瀆鎮定徐土翱翔服田蠶  
屈料場鷹揚不有神笑疇戲暴強笏已同時秉鉞煌煌  
方期凱旋雙映旗常晨趨法座夕慶高堂如何不辰愆  
此百祥素輶反染白驢跼箱簫鼓悲鳴羽儀分行萬乘  
致祭千官送喪生榮死哀身歿名揚渭水川上壇山路  
旁唯餘豐碑突兀連岡徃來必拜萬古沾裳

魯公文集卷之三終



魯公文集卷之四

二十五代孫胤祚重刊

碑二

河南府參軍贈秘書丞郭君神道碑銘

夫騏驎千里之足踣於庭唐之內鴻鵠四海之志輟於  
墜滲之羽此個儻竒偉之士所爲嘆息者也取之於人  
在於郭君矣君諱揆字良宰太原人也郭本魏叔之後  
春秋魯漢細侯得政事之美有道冠人倫之日素絲作  
詠青溪招隱信爲多士宜稱盛族五代祖昶隋驃騎大  
將軍開府儀同三司高祖澄皇朝朔方道大總管涇鄜



坊慶丹延復七州刺史贈荊州都督謚曰忠曾祖某朝  
敬大夫太子洗馬祖義朝議大夫贈鄭州刺史父虛已  
銀青光祿大夫守工部尚書兼御史大夫蜀郡大都督  
府長史持節充劍南節度度支營田副大使本道并山  
南西道採訪處置使上柱國贈太子太師謚曰獻君生  
而聰明不爲戲弄之事長而清峻固雜綺紉之流辯對  
則江晏之童志意則山東之妙大夫府君以其于氏之  
出故幼名封奴嘉有應務之器故長字良宰蓋取待封  
宰割之義也觀其言必顧行動必由禮讀書不取其糟  
粕爲仁罕忘於造次亦足以保其嘉名楚之正則漢之

皇卿乃其比也年十七宗文生明經及第侍郎章涉揚  
言於朝稱其稽古之力許其清冥之價後調集侍郎李  
彭年嗟君所判足冠後生擢才子於公庭賀大夫於私  
第美聲洋溢時莫與京授太常寺太祝加敬蒞事陳信  
正辭每巡陵及郊必有歌詠潘河陽籍田之賦顏光祿  
明妃之作復見前賢之致矣無何改授河南府參軍天  
寶五載大夫總度瀘之師賢君奉循陔之卷南中汚下  
遂得氣疾先大夫憐其寢劇命訪秦醫太夫人懼其不  
起繼自蜀至何神不禱靡藥不嘗依親自強望父增歎  
以天寶八載二月十八日終於安輿之私第時年二十



四皇帝聞而悼之贈秘書丞嗚呼斯人不起子丕未識  
 亦可為長慟者矣君子曰夫孝身之至絜矩之道文章  
 之絕周旋之儀可謂成人矣方將培雄風罩白石憐子  
 得二幾乎第一是以其疾即御醫坐門其亡即天使歸  
 贈陳師境上推次雨露之私偕文地下贈以蓬萊之職  
 吊客多其文行操誄盡於作者以五月二十一日葬于  
 首陽鄉大塋之側君志也先大夫懿其天姿親疏行狀  
 敘其參玄之美歎其老成之風方崇南峴之碑以慰西  
 門之感伏滔受遇為人父也若斯祁奚至公其知子也  
 如此斯文未建頽山遂及太夫人東海于氏凌虛墜翼

開緘悼心望汝絕歸來之期抱孫有無時之哭遂成刊  
 刻之意以寄零落之哀銘曰

粲粲門子菲菲國香家傳玉樹人詠金相風流小褚才  
 貌潘郎一經自達六氣名揚聞于密啓寔此周行為子  
 道備從親路長既銘絕壁亦奉垂堂霧露成病膏肓遂  
 亡天向京北墳歸洛陽江堙初流水毀寒霜茫茫蔓草  
 蕭蕭白楊苦月墳上豐碑道傍披文相質誰不沾裳

右武衛將軍贈工部尚書上柱國上蔡縣開國侯

臧公神道碑銘

公諱懷恪字貞節東莞人其先出于魯曾孝公之子彊字



子臧大夫不得祖諸侯其孫次王父字爲氏僖哀二伯  
旣納忠於魚鼎文武兩仲亦不朽於言哲丈人成功而  
遁迹子原抗節而捨生義和辭金飾之器榮緒奮陽秋  
之筆賢達繼軌紛綸至今曾祖滿階驃騎將軍祖寵皇  
通議太丈靈州都督府長史父善德朝散大夫贈銀州  
刺史咸務遠圖克開厥後恤亂之慶世祀宜哉公卽銀  
州之第三子也身長六尺一寸眉目雄朗鬚髯灑秀雅  
善騎射尤工尺牘沉靜少言寬仁得衆奇謀冲邈英勇  
冠倫友于弟兄謹介鄉黨每敦詩而執禮不如柔以吐  
剛蒞事而剖判泉流臨戎而智略鋒起古所謂文武不

墜高明有融者正少以勲勞亟紓戎級開元初嘗遊平  
盧屬奚室常天下公挺身與戰所向摧靡繇是發名玄  
宗聞而嘉之拜勝州都督府長史銳精佐理絜矩當官  
朔漠不空邊隅用人俄拜左衛率府左郎將轉右翎軍  
中郎將兼安北都護中受降城使朔方五城都知兵馬  
便戎事齊足十萬維羣我伐用張軍威以肅由是深爲  
節度使王晁所器奏充都知兵馬便嘗以百五十騎遇  
突厥斬啜入部落十萬餘衆於狼頭山殺其數百人引  
身據高環馬禦外虜矢如兩公徒且殲遽而給之曰我  
爲臧懷恪勅令和沙何得與我拒戰于時僕固懷恩父



設之適在其中獨遮護之諸部落持疑不肯公割年以  
 盟之仗義以責之衆皆感激由比獲免遂與設之部落  
 二千帳來歸後克河西軍前將盤禾安氏有馬千馱怙  
 富不虔一族三人立皆毆斃軍中悚慄疇敢不祇俱為  
 節度相國蕭嵩所賞後克河源軍使兼關文加改篤睦  
 羣從糾綏宗族吉凶贈恤終始無渝行道之人孰不嗟  
 尚肅宗次公有謀翼之勤乾元三年春三月贈魏州刺  
 史寶應元年冬十月又贈太常卿廣德元年冬十月詔  
 曰孝以立身可揚名於後世忠能事主故追榮而及親  
 開府儀同三司兼御史大夫元帥都虞侯魯國公臧希

讓亡父贈太常卿懷恪業茂勲賢地華簪紱佩忠信而  
 行已抱禮樂以資身守節安卑幽貞自處養蒙全正聲  
 利不營雖與善無徵促齡悲於逝畧而積善垂裕餘慶  
 光於後昆故得業濟艱難功參締構出有藩條之寄入  
 多爪牙之任位改德遷禮宜加等父由子貴贈合超倫  
 宜登八座之榮式慰九原之路又贈工部尚書褒異之  
 典於斯為盛臧氏自驃騎而下世以材雄朔陞尚書既  
 還特以功懋當仗兄弟子姪勲賢間出自天寶距于開  
 元乘朱輪而抱珪組者數百人迨于今茲繁衍彌熾綰  
 軍州而握兵要者相望國都有後之慶固殊異於他族



者矣真卿早歲與公兒子謙爲田蘇之游敦伯仲之契  
晚從大夫之後每接嘗察之歡故公之世家竊備見聞  
敢述遺烈將無媿辭銘曰

魯史褒者臧孫有之陳魚則諫納鼎以規歿貴言立時  
稱聖爲仁昭典墳智叶著龜世濟忠肅光光羽儀以至  
夫公英明雄毅鶚視騰彩龍驤作氣鋒淬霜稜妙窮金  
匱謀猷泉寫翰墨風駛儒勇是兼勲庸收位介馳戎馬  
猛奮虓虎絕漠援孤連兵戰苦萬虜鳴鏑紛紛如雨一  
身抗詞諤諤連柱精貫雲日氣雄征鼓狄人義激僕固  
誠全眇漫窮奮隨降幾千野靜沙雪風恬寒煙戎騎如

雲我旗連天牧無南向凱有北旋天子休之命侯開國  
謂福而壽康衢騁力奚今之遘幽局是卽十城玉折萬  
里鵬息陳雲蒼蒼日暮無色令人趨奉天眷孔明九原  
不作八座表榮勇列徽範芳時懿名里成冠蓋族茂簪  
纓萬古千祀瞻言涕零

東莞臧氏紉宗碑銘

德有三孝身稱其至常有五仁道原其終故興化所自  
則曰侯其在矣死喪相恤疇能莫

鵲鳩於焉譬

急難常棣所以勗跣紉宗緦族所貴因之誰其庶乎  
吾見之於臧氏矣臧氏祖伯禽國魯公子氏驅魚賂大



諫於僖哀言聖兩垂於文武朗陵會吳而滅蜀東郡感  
張而絕袁建義而辭器歸高奮筆而陽秋與直賢明之  
盛今古莫崇積慶所鍾克生隋驃騎將軍府君諱滿滿  
生皇朝通議大夫靈州都督府長史府君諱寵寵生銀  
青光祿大夫銀州刺史贈太子少師諱善德咸懷忠良  
克續徽烈古稱有後今見其然少師生三子曰右武衛  
將軍贈幽州大都督

懷慶冠軍左羽林大將軍

兼營府都督御史中丞充平盧節度採訪兩蕃使懷亮  
河原軍使安北都護右領軍將軍上柱國上蔡縣開國  
侯累贈太常卿魏州刺史工部尚書懷恪皆行冠人倫

才兼文武並時迭將爲國虎臣朔漠之間峻風斯在具  
功庸志業各具三原縣先塋神道碑懷慶五子曰左金  
吾中郎將范陽節度經略副使希古右威衛將軍中受  
降城使希真殿中監朔方經略副使希賓原州長史監  
牧副使希珣銀青北平太守仍亮軍使希逸懷亮五子  
曰勝州都督朔方節度副使敬廉金紫文安太守范陽  
節度副使希莊左清道率幽州經略副使敬之太常卿  
特進武州刺史今上元帥都知兵馬使讓之左監門將  
軍敬之懷恪七子曰右衛中郎將贈州刺史希崇豐  
州別駕贈宋州刺史希昶左驍衛中郎將贈太子賓客



希忱忠武將軍贈汝州刺史希惜壯武將軍左威衛中  
郎將贈秘書監希景雲麾麟寧三州刺史左金吾將軍  
左街使贈揚州大都督希晏魯國公希讓竝稟訓義方  
不崇閹閹遭逢明盛備展材良能挺虎爛之姿學蘊韜  
鈴之路操闡玉而輝映階庭畫集熊而光聯旗軼勲庸  
之盛當世無倫源長流深德盛祀遠開元天寶間宗族  
之紆青紫佐麾幢者已數十百人迨乎今上當宁而諸  
孫冠軍左羽林將軍贈太子詹事亮英忠武左清道率  
瑗左清道率則少府監亮佺金紫太僕卿涉特進殿中  
監玠左金吾大將軍亮璟正議湖州長史隨竝不幸早

世銀青棣州刺史瑜特進殿中監慈州刺史瑀特進鴻  
臚卿均特進太常卿亮昭問府太常卿亮景正議杭州  
別駕亮銀青鴻臚少卿渙鴻臚卿頤朝散明州長史叔  
獻少府監楚卿朝散台州司馬晉卿朝散洋州司馬叔  
雅符寶郎齊卿涇陽縣 雲卿左金吾衛長卿千牛叔  
卿京兆府參軍叔清關文

容州都督兼御史中丞本管經略使元君表墓碑

銘

嗚呼可惜哉元君君諱結字次山皇家忠烈義激文武  
之直清臣也蓋後魏昭成皇帝孫曰常山王遵之十二



代孫自遵士葉王公相繼著在惇史高祖善楫皇朝尚  
書都官郎中常山郡公曾祖仁基朝請大夫褒信令襲  
常山公祖利復霍王府參軍隨鎮改襄州父延祖清淨  
恬儉歷魏城主簿延唐丞思問輒自引去次魯縣商餘  
山多靈藥遂家焉及終門人謚曰太先生寶應元年追  
贈左贊善大夫君聰悟宏達個儻而不羈十七始知書  
乃受學于宗兄德秀常著說楚賦三篇中行子蘇源明  
駁之曰子居今而作真淳之語難哉然世自澆浮何傷  
元子天寶十二載舉進士作文編禮部侍郎陽浚曰一  
第汙元子耳有司得元子是賴遂登高第及謁胡首亂

逃難于倚玕洞因招集鄰里二百餘家奔襄陽玄宗異  
而徵之座君移居讓溪乃寢乾元二年李光弼拒史思  
明於河陽肅宗欲幸河東聞君有謀略虛懷召問君悉  
陳兵勢獻時議二篇上大悅曰卿果破賊朕憂遂停乃  
拜君右金吾兵曹攝監察御史充山南東道節度參謀  
仍於唐鄧汝蔡等州招輯義軍山棚高晃等率五千餘  
人一時歸附大壓賊境於是思明挫銳不敢南侵前是  
泌南戰士積骨者君悉收瘞刻石立表命之曰表立將  
更感焉無不勇勵壘書頻降威望日隆時張瑾殺史翹  
於襄州遣使請罪君爲聞奏持蒙嘉納乃真拜君監察



仍授部將張遠田瀛等十數人將軍屬荆南有專殺者  
呂誼爲節度使誼辭以無兵上曰元結有兵在泌陽乃  
拜君水部員外郎兼殿中侍御史充誼節度判官君起  
家十月起拜至此時論榮之屬道士申泰芝誣湖南防  
禦使應承鼎謀反拜判官吳子宜等皆被決殺推官嚴  
郢坐流俾君按覆君建明承鼎獲免者百餘家及誼卒  
淮西節度使王仲昂爲賊所擒裴茂與來瑱文惠遠近  
危懼莫敢誰何君知節度觀察使事經八月境內晏然  
今上登極節度使留後者例加封邑君遜讓不受遂歸  
養親特蒙褒獎乃拜著作郎遂家于武昌之樊口著自

釋以見意其略曰少學靜于高餘山著元子十卷兵起  
逃難于猗玕洞著猗玕子三篇將家灑濱乃自稱浪士  
著浪說七篇及爲郎時人次浪者亦漫爲官子遂見呼  
爲漫郎著漫記七篇及家樊上漁者戲謂之聲叟歲餘  
上次君居貧起家爲道州刺史州爲西原賊所陷人丁  
無一户纔滿千君下車行古人之政二年間歸者萬餘  
家賊亦懷畏不敢來犯旣受代百姓詣闕請立生祠仍  
乞再留觀察使奏課第一轉容府都督兼侍御史本管  
經略使仍請禮部侍郎張詔作耳棠以美之容府自艱  
虞以來所管皆固拒山谷君單軍入洞親自撫諭六旬



而收復八州下陳郡太夫人憂百姓詣使請留大曆四年  
年復四月拜左金吾衛將軍兼御史中丞管使如故君  
矢死陳乞者再三優詔褒許七年正月朝京師上深禮  
重方加位秩不幸遇疾中使臨問者相望復四月庚午  
薨于永崇坊之旅館春秋五十朝野震悼焉二子次明  
能世其業名雖著而官未立次其年冬十一月壬寅虔  
葬君于魯山青嶺泉陂原禮也嗚呼君其心古其行古  
其言古躬是三者而身重於今雖擁旌麾幢總戎於五  
嶺之下彌綸秉憲越於九天之上不爲不遇然次君之  
才之德之美竟不得專政方面登翼太階而感激不爲

之太息也君雅好山水間有勝絕未嘗不枉路登覽而  
銘贊之感中行見知之思及亡至今分宅次恤其子其  
不偷也多此類中書舍人楊炎常袞皆作碑誌以抒君  
之志業故吏大曆令劉哀江華令瞿令問故將張滿趙  
溫張協王進等感念舊恩送哭以終喪竭資粥石願垂  
美以述誠真卿不敏常忝次山風義之末尚存盡往敢  
廢無媿之辭銘曰

次山斌斌王之蓋臣義烈剛勁忠和儉勤炳文章國孔  
武寧也率性方直秉心真純見危不撓臨難遺身允矣  
全德今之古人柰何清賢素志莫伸羣士立表垂聲不



泯

魯公文集卷之四終



魯公文集卷之五

二十五代孫胤祚重刊

碑三

特進行左金吾衛大將軍上柱國清河郡開國公  
贈開府儀同三司兼復州都督康公神道碑

竭誠奉主之謂忠率義忘躬之謂勇忠勇不犯則名登  
于明堂子仕教忠之謂慈戰陣能勇之謂孝孝慈有裕  
則道存乎方冊兼此四者其惟清河公之族乎公諱阿  
義屈達于姓康氏柳城人其先世爲北蕃十二姓之貴  
種曾祖頡利部落都督祖染可汗駙馬都知兵馬使父



頡利發墨啜可汗衛衛官知部落都督皆有功烈稱於北陲公卽衛官之子也正直忠鯁以信行聞爲國人所敬長於謀略工騎射其弓十鈞年二十三爲河史那頡佚施默啜等九可汗宰相秉心顯一立言無二不吐剛以龍柔必蹈道而履義可汗每有過失未曾不極言切諫蕃黨中重焉以比國家之丞相宋璟初默啜弟拔悉密時勤嘗敬藥弑可汗公竊而藏之密持示默啜默啜大怒將誅之公以爲請但令歸于部落默啜知公至忠錄是益加親信同列四人莫與公比其後公以孤直屢見疑譖遂請退歸可汗察公非罪尋復追爲宰相先是

毗伽可汗小殺爲其大臣梅錄啜所毒小殺覺之盡滅其黨旣卒國人立其子伊然可汗無何病卒又立其弟登利可汗華言登利猶可報也其母曠欲谷之與其小臣飲巔達于禎國政登利從叔父因左殺方殺東西分掌其兵馬登利與其母誘斬西殺盡并其衆左殺懼反乃攻殺登利自立爲烏蘇米施可汗拔悉密擊敗之脫身遁走國中火亂天寶元年公與四男及西殺妻子默啜之孫勃德支持勒毗伽可汗女大洛公主伊然可汗小妻余塞匐登利可汗女余燭公主及阿布思阿史德等部落五千餘帳并駝馬羊一二十餘萬款塞歸朝



朔方節度使王斛斯具以事聞秋八月至京師玄宗傳  
先謁太廟仍於殿庭引見御花萼樓以宴之仍賦詩用  
紀其事拜公左威衛中郎將屬范陽節度使安祿山潛  
懷異圖庶爲已用密奏公充部落都督仍爲其先鋒使  
公旣不得已僣從之四載以破契丹功遷左威衛將  
軍俄拜范陽經略副使五載又破契丹功居多拜左武  
衛大將軍仍充節度副使玄宗嘉之璽書慰勉盈溢篋  
笥十四載冬十一月九日甲子安祿山反范陽公次天  
子有命陷身克逆舉家見質自拔莫由旣至東歸公泣  
血籲天次於寤寐欲與諸子逃歸國家爲賊邢州刺史

康節所告遂被收繫備奏被誅者三十餘人公之四子  
各奔于外賊恐衆情不安貫之而後出至德二年闔門  
二百餘口被安慶緒脅至安陽屬今上爲天下兵馬元  
帥統今尚書令汾陽王郭子儀朔方之師諸節度廻紇  
之衆東收二京公率四子及孫姪等十餘人冒死南奔  
至汲郡爲從者所告家人殲焉二子沒野波英俊挺身  
行前二子屈須彌施華正持滿殿後沒野波妻阿史那  
氏爲公控馬登于西山至高平衆遇賊蔡希德以精騎  
三百遮路邀擊沒野波英俊策馬奔之殺四十餘人生  
擒四人冬十有一月七日投今上行營至平帝聞而嘉



之欲以開府儀同三司處公仍加實封公固辭不受因  
以爲金吾衛大將軍加特進增封清河郡開國公食邑  
三百戶策勳

衛大將軍

卿

射

儀同三司太常卿殿前衛前射生兵馬俄加上柱國姑  
臧縣開國子沒野波雲麾將軍左金吾衛大將軍上柱  
國射生散騎常侍驃騎大將軍左武衛大將軍兼鴻臚  
卿上柱國殿前射生使清河郡開國公英俊等官秩各  
有差因留公及屈須彌施英正供奉射生以沒野波英  
俊勇冠三軍竝令東隨故太尉李光弼于太原後鄴郡

尾窟陣官軍與安慶緒相逼王思禮爲其所敗賊勢旣  
盛大尉與思禮相顧氣慮沒野波英俊勃然奮怒遂直  
抵薄河當鋒擊之殺獲二千餘人賊衆方退太尉諸公  
覩而駭之賞雜綵百疋竝次轉分麾下無所納三軍  
欽羨焉沒野波居常謙謹臨事勇銳戰則先鋒前無強  
敵擬生遊奕所向必摧九節度之圖安陽也史思明悉  
衆來救沒野波以十五騎過河逆擊之并馬刺倒者數  
人生擒數十人後擊懷州思明又自來救留爽之際侵  
軼柴籬沒野波領甲騎三十禦之賊軍五千人一時摧  
敗真卿之棄平原也沒野波爲賊騎將綏策不追及聞



渡河然始奔躡是次得脫於難平原人至今稱之華俊  
瞪視耽耽姿氣雄果發勁矢持大槍凝然萬衆之中左  
右馳突無不辟易而退嘗隨太尉討思明于河陽賊驍  
騎萬餘於中圍城索鬪將莫敢應者華俊挺身奔擊之  
應槍落者二十餘人華俊被槍刺頰貫喉而出擺首而  
去之猶殺二人而還太尉壯焉遂以從父兄子妻之故  
天下之言勇者以沒野波華俊兄弟爲稱首廣德元年  
上幸陝州公之諸子皆當扈從公以體貌壞頽難於舉  
動方與之死訣沒野波妻爲公介馬扶奔華州公慮不  
免謂左右曰我若爲賊所得無累我兒子乎汝曹何不

殺我衆人感懼呼然皆哭遂竭力尋公至于行在上深  
嗟賞之方極尊榮以終宴喜上天不惠以二年青龍甲  
辰冬十有一月二十日甲寅感肺疾薨于上都勝業坊  
之私第春秋七十有五親事左右莫不整方面截耳以哭  
初凌霄之難公實援立瀝水之屯公親總統上之反正  
父子從焉帝疇厥功遂有開府儀同三司兼棗州都督  
之贈夫人清河郡太夫人交河石氏左衛中郎將珍之  
孫左金吾衛大將軍三奴之女溫敏淑慎柔明端雅有  
女師母儀之德克懋於家不幸遭疾以天寶十五載春  
三月八日先公而薨永泰七年春二月十日壬申與公



合祔于萬年縣之長樂原禮也嗚呼公以沉果之姿抗  
英威之志降精昂宿炳粹天街忠肅表於生知義勇取  
于造次屬國家多難淪胥以痛壯一心而來事我君貫  
四時不改柯易葉義方懇到相携於契闊之中臣節激  
關文。

中散大夫京兆尹漢陽郡太守贈太子少保鮮于  
公神道碑銘

公諱向字仲通次字行漁陽人也其先出于殷太師周  
武王封于朝野子仲食邑於于因而受氏漢有京兆尹  
裒裒十二世孫康後魏秦州刺史直閣將軍武威郡公

忠於本朝爲齊神武所害康玄孫匡贊隋冠氏長義寧  
初通議大夫匡贊生士簡士迪竝早孤爲叔父隆州刺  
史匡紹所育因家于新政士簡士迪皆魁岍英偉次財  
雄巴蜀招徠賓客名動當時郡中憚之呼爲北虜士簡  
生令徵公之父也個儻豪傑多奇畫嘗領萬金之產周  
濟天下士大夫與事兄著作郎廣漢嚴從臯殿中侍御  
史何千里俱收氣槩相高不肯仕官竟以壽終天寶九  
年贈遂寧郡太守廣德元年又贈太常卿公少好俠以  
鷹犬射獵自娛輕財尚氣果於然諾年二十餘尚未知  
書太常切責之縣南有離堆山斗入嘉陵江秋色峻絕



公乃慷慨發憤屏棄人事鑿石構室以居尋勵精爲學  
至以鍼鈎其臉便不得睡讀書好觀大略頗工文而不  
好爲之開元二十年年近四十舉鄉貢進士高第二十  
六載調補益州新都尉視事二十日謝病去二十七年  
長史張省奏充劍南採訪支使省方謀拔安戎獨與公  
計畫幕中之事一次咨公司馬章仇兼瓊惡之及代省  
節度乃移郡收公月餘仍釋之俄令攝判使事監越雋  
兵馬復奏充採訪支使盡護劍南軍事省尾二載冒暑  
渡瀘者凡一十八度公秉操堅伎吏人望而畏之改授  
新繁尉充山南西道採訪支使頃之雲南蠻動瓊請公

徃次便宜從事公戮其危害者數人蠻復懼服山南盜  
賊舊多光火公察其名居悉傾巢穴人至于今刺焉俄  
拜左衛兵曹例遷也瓊次兩道採訪節度使務悉次季  
公無何攝監察御史充劍南山南兩道山澤使遷大理  
評事充西山督察使五載戶部侍郎兼御史大夫郭公  
虛已代瓊節制郭次廢務一皆仗公公素懷感激竭誠  
受委故幕府之事無遺詔尋上六載拜監察御史公誅羗  
豪董哥羅等數十人次靖八州之地郭公將圖弱水西  
之八國奏公入覲玄宗駭異之即日拜尚書屯田員外  
郎兼侍御史蜀郡司馬劍南行軍司馬旣略三河收其



八國長驅至故洪州與哥舒翰隴左官軍相遇於橫嶺  
鳴鼓而還及郭公云亡慟哭之曰公亡矣吾無爲爲善  
乎初郭公對啟天休每薦公有文武之材堪方面之寄  
至是遂拜公爲蜀郡大都督府長史兼御史中丞持節  
充劍南節度副大使公常大任旣竭丹誠射討吐蕃摩  
彌城拔之改洪州爲保寧都護府整弱水爲蕃漢之界  
收戶數十萬闢土千餘里屬恩勅命召祇赴京師至臨  
臯驛上令中貴人勞問賜甲第一區又錫名馬兼供御  
饌俄并司農卿將不遠而復十一載拜京兆尹公威名  
素重處理剛嚴公初善執事者後爲所忌十二載遂貶

邵陽郡司馬灌園築室次山泉琴酒自娛賦詩百餘篇  
俄移漢陽郡太守下車閉閣唯讀玄經以自適不辜感  
疾以十三載閏十有一月十有五日終於官舍春秋六  
十有二十五載春正月歸葬于新政縣嘉陵江之西岍  
先塋寶應元年追贈衛尉卿廣德元年又贈太子少保  
公凡著坤樞十卷文集十卷竝爲好事者所傳於戲公  
負不羈之才懷當世之志方及知命始擢一第從宦十  
年超登四岳拔身巴江之下自致青霄之上非夫珪璋  
特達聖賢相遭則何以凌厲沉浮若斯之速旣而吉凶  
糾纏慶吊相隨天睽排於賊臣雄圖屈於從景有足悲



矣有子六人仲曰贈左金吾衛郎將昊隨公陷于西二  
河力戰而歿季曰前鄉貢明經晁神清才秀先公而卒  
伯曰陞州刺史昱克篤孝行見稱衣冠公之捐館也萬  
里迎喪泝湍而輟瘞拔筴段子章之稱亂也闔門逃賊  
安親而晨夕板輿叔曰萬州刺史昊雅有父風頗精吏  
道肅宗之幸鳳翔也竭誠幕府以佐公家今上之命庶  
僚也由華原之政驟登省闈作牧萬州政績尤異有詔  
遷秘書少監尋又改牧巴州幼曰青城尉晏雅曰成都  
府參軍景皆保家之主亦著令聞公弟晉字叔明篤厚  
溫敏少以任俠聞事公以悌稱與朋以信著好讀書而

不爲章句精吏道而尤擅循良再爲法官三秉天憲二  
登郎署一宰洛陽從其兄之討南蠻也兩軍交戰仗忠  
信而必使其間仿寧國之如回紇也絕域奉辭布皇明  
而皆得要領肅宗褒異擢拜高州刺史無何起遷京兆  
尹不十年而兄弟相代論者偉之永泰二年秋八月有  
詔自太子左庶子復拜爲邛州刺史兼御史中丞邛南  
八州都防禦觀察等使真卿與公同在御史亡兄國子  
司業允南弟今江陵少尹允臧又與少尹同時臺省旣  
接通家之歡載敦世親之好以爲但謝雖久所存者微  
猷陵谷雖遷不朽者金石銘功篆美敢墜所聞其詞曰



洪範垂体系殷封周辨于身絲派漁陽兮其一世掌漢

曆子孫賜奕代有不績裒定襄兮其二冠氏促齡二孫

夙下階官不寧聲定疆兮其三嘉陵嶽嶽雲臺矯矯降

生京兆為龍光兮其四右武右文剛嚴不羣克懋鴻勳

制惟梁兮其五既靖巴蜀既清輦轂日聞啓沃播周行

兮其六結友不終孤我深衷如彼飛蟲反予戕兮其七

邵陽典午漢陽紆組孰云心苦坦行藏兮其八天不憖

遺哲人其萎交葬江湄咷其傷兮其九此令有裕教忠

右素天介景祚熾而昌兮其十三世尹京二子專城一

門載榮餘慶彰兮其十一豐碑巍巍盛業暉暉舉世是希

與天長兮十二



魯公文集卷之五終



